

Casiodorus.

nium videtur esse maximum, cui & à Proregibus præ ceteris obuiandum. Pro quo sic apud Casiodorum Lib. 7. 42. quisquis ille est, qui scribit Princeps: *Frequenter Saiones, quos à nobis credidimus pia voluntate concedi, quarelis maximis cognouimus ingratios extirsi. Corruptum est (pro dolor) beneficium nostrum, creuisse potius de medicinâ calamitas, dum ad alios usus, potentium malignitate, translatis sunt, quā in eos nostra remedia transfulerunt. Vnde nobis necessè fuit remedio salubri votis pestiferis obuiare: ne, dum pietatis studium ad aequalia beneficia trahitur, surreptionum iniquissima patiamur.* Sic ille. Pro quo hīc non plura.

C A P V T . X.

Ordinationes Regias quomodo debeat Indici Proreges obseruare.

Ordinationes Proreges in conscientia virgine.

SVNT quidem illæ non pauca, & magna consideratione disposita: vnde generaliter negari nequit grauem inducere obligationem; alias officium omnium maximum, & à quo tot rerum momenta dependent, nullis legum specialium vinculis tenentur. Quod quidem quam sit absurdum statim apparet, vt non sit opus circa hoc longiores discursus cumulare. Et ita Dom. Solorzani Lib. 4. Cap. 9. num. 57. & in Politicâ pag. 869. §. *Toto*, & seqq. ait instructiones Proregibus tradis solitas esse Regia mandata, quas legere & obseruare debent, & à quibus non licet saluâ conscientiâ recedere. Pro quo & Cap. 10. num. 39. vbi & Auctores obligationem eamdem firmantes adducit. Circa illud tamen

Affertio 1.
Aliquas Ordinationes nec sub venia obligari.

86 Dico Primo. Aliquæ instructiones sunt, aut etiam ordinationes, quæ neque ad veniale peccatum videntur obligare. Id probo. Quia in omni ordinatâ gubernatione ita obseruari debet, vt aliqua sint pro commodi ratione tantum procedendi modo disposita, & instruunt potius quam premant. Videantur dicta *Titulo præced. num. 96.* In Societate quidem Iesu, in qua optimi regimini forma prælucet, ita se res habet, vt videri potest in Libro Ordinationum, vbi & Instructiones apposita, earum discrimine declarato.

Affertio 2.
Nonnullas tantum sub venia obligari.

87 Dicò secundò Non omnes Ordinationes, quæ vim legis habere videntur, sub mortali Proreges obligant. Probatur ex dictis circa Regios Consiliarios *Titulo præced. Cap. 9.*

Affertio 3.
Quæ sub mortali.

Dico tertio. Obligant sub mortali illæ, quæ si non obligarent, non satis videretur bono communis consilium. Est juxta ibidem dicta n. 99. Quæ autem sint illæ, non est facile judicare. Vnde cùm materia grauis est, timendum valde, & a recto tramite minime deuandum.

Affertio 4.
Quæ ut sunt Auditiorum Præsides.

88 Dico quartò. Proreges Indici ut Auditiorum Præsides eo modo obligantur, quo Regij Consilij Dominos diximus obligari *Titulo præcedenti num. 100.* quod & eisdem rationibus comprobatur.

Affertio 5.
Circae, quæ iuriū tamē concernunt.

Dico quintò. In iis, quæ justitiam concernunt. Proregum obligatio grauis est. Talia sunt, caussas ad eos spectantes ex abrupto, & non seruato juris ordine, ac secundum causæ merita, judicare. Sic Dom. Solorzani Lib. 4.

Cap. 10. num. 43. vbi ait debere secundum suam judicare conscientiam: quod obligationis genus non humanum, sed diuinum ac naturale est; vt scilicet nemo contra id, quod conscientia facientrum esse dictauerit, operetur. Item. Quod præsentes non sint, cùm de appellationibus ab ipsis interpolitis terminandis volunt agere Auditores. De quo Dom. Solorzani *Suprà Cap. 3. n. 41.* & in Politicâ pag. 768. §. *De todo*. Cùm enim eos ille tangat articulus, timere profecto Auditores possunt, ne eorum animos contraria decernerent exasperent, ex quo justitia violatio venit etiam formidanda. Quæ præsumptio, cùm sit iuris, & de jure, non est ex earum genere, quæ obligationem legum videntur auertere; quando in solâ juris præsumptione fundantur. Præterea. Omnia illa, de quibus dictum *Capite præcedenti;* & alia, quæ cùm occurront, non erit difficile reprehendere ad justitiam pertinere, quorum judicialis cognitio Proregibus est prohibita, & sola gubernatio demandata, in qua etiam sunt certi denique fines, vt videri potest apud Dom. Solorzani citato Cap. 3. num. 39. & seqq. & in Politicâ pag. 767. §. *Lo undetimo.*

C A P V T . XI.

De obligatione in negotiorum expeditione, ac in nonnullis aliis.

89 Dico primo Proreges Indici peccant in negotiis, aut aliquo alio humano respectu, negotia, quæ ad eos spectant, retardantur. Pro hoc est optima animaduersio Dom. Solorzani Libr. 4. Cap. 9. numer. 63. & in Politicâ pag. 869. in fine. Videantur dicta Cap. 9. §. 1. Si enim grauiter peccent dum expeditionem negotiorum, quæ ad Auditores Regios spectant, non vrgent, manifestum inde est in iis, quæ sive ipsorum curæ sunt, etiam grauiter delinquere, si cum litigantium, aut caussam agentium propriam, in commido prorogantur. Semper autem interueniunt incommoda, multiplicatis sumptibus, & imminutione bonorum, quæ ex absentiâ à propriis domibus, & alijs non leuibus occasionibus oriuntur. Vnde & obligatio restitutionis planè consequitur, ni velint ipsi, & qui eorum moderantur conscientias, in aperto lumine caligare. Et ut obligatio restitutionis non sit, ipsa cœlastio ab operatione damnabilis est in operario conducto ad laborem magno pretio compensandum.

Affertio 2.
Qui nomine Principum gaudent.

90 Dico secundò. In iis, quæ Assessori obligatoria proponit, & jus tertii concernunt, atque aliquam juris notitiam exigunt, tenentur Proreges Indici consentire, nisi forte alium consulunt aliter sentientem, qui ordinarius Assessor non sit, vel Ordinarius ut probable proponat id, circa quod vertitur controværia. Ratio est: quia licet Assessor non sit iudex, sed consultor specialis, vnde laicus potest esse Assessor Episcopi in caussis spiritualibus, vt tradunt Doctores, quos assert P. Thomas Sancius Lib. 7. de Matrimonio Disput. 46. num. 14. ex l. 1. D. de officio Assessoris: sine illius tamen sententiâ periculum errandi in re grauis momenti incurritur: quod quidem

Proregum obligatio erga negotiorum expeditionem, & alia. 87

quidem stare nequit sine graui conscientia grauamine. Nisi forte alia ejusdem generis ex Assessoris sententiâ jam suffient decreta, & in ea, de quâ agitur, nihil occurret, ex quo lapsus considerabilis timeretur.

Affertio 3.

Peccare
graui
suam am-
pliantes
potestatem.

Dico tertio. Proreges peccant grauiter suam ampliantes potestatem. Id constat. Quia si priuatus potestatem ad aliquid usurpare, peccaret grauiter, vt rei alienæ usurpator, quæ magna est estimationis: vnde & grauissima in legibus pro hujsmodi criminis pena inuenitur constituta: Atqui Proreges in iis, quæ ipsi concessa non sunt, vt priuati habentur, cùm non plus juris ad illa habeant, quā idem: ergo illosest grauiter delinquere manifestum. Videatur Dom. Solorzani *Suprà Cap. 10. num. 9.* & in Politicâ pag. 874. §. Pero yb vbi hunc Indicorum Proregum carpit abulum; vix enim reputetur aliquid ab eisdem non tentatum, ultra limites, inquam, legitimæ potestatis: crescere semper abusu; nam successores plus aliquid semper moluntur, facilè addentes inuentis, vt posteriores pleniori afferre potestatem videantur. Erit autem damnabilior, si eò deueniat, vt ea, quæ ardua sunt, & Regiæ amplitudini referuntur, sibi velint Proreges arrogare. Pro quo idem Cap. 10. num. 11.

Styles per
exemplaria
iudicandi
non pro-
bandus in
præstatis.

92 Hinc mihi semper displicuit stylus nimis in his, quæ placent Proregibus, obseruatus, per exemplaria inquam iudicandi. Cùm enim illa ex abuso multoties sint explicato profecta, qui fieri potest, vt cœco debeat more, quasi Delphica oracula venerari. Si præstertim Ecclesiastica immunitatem concernant, in quo video non satis caute quandoque procedi. Hinc est doctrina complurium, quos adducit, & pro eâ laudat Dom. Solorzani lib. 2. Cap. 28. num. 49. & in Politicâ pag. 386. §. *y non haec*, dicentium exemplaribus in judicando parum esse fidendum, cùm caussæ non sint semper omnino similes. Et in terminis caussæ, de quâ agimus, idem obseruat, etiam eum de consuetudine agitur, ob rationem dictam perperam extensæ potestatis unde illa debet rationabilis comprobari. Pro iis autem, quæ ad Ecclesiasticas caussas spectant, addo nihil fidendum exemplaribus, vt nec legibus fœcularium Principum deferri debeat; prout Rota obseruat in vnâ Oscensis Canoniciatus apud Dianam Parte 5. §. *Al istis & s. Sed respondebatur.* Vbi multa de consuetudine circa hujusmodi reprobanda. Quod ergo affirms Menochius *Consilio 52. num. 50.* adductus à Barbola in *Collectanea ad Decretales Lib. 2. Tit. 27. Cap. 29. num. 4.* exemplo optimi Principis firmiter judicandum esse, hic non potest applicari: quia nec Proreges absolutè nomine Principum veniunt, licet communiter ita vocentur; cùm id nomen eum specialiter designet, qui supremâ gaudet potestate, cuius & sententia facit jus, juxta Auctores quamplures ab eodem adductos Collectore: quod & pro Papâ citatum *Cap. In causa*, aperte determinat. Tum etiam quia licet plures ex Proregibus se laudabiliter gesserint, ad optimi excellentiam, numeris omnibus absolutâ ex bonitate conseruentur, rarus probabitur peruenisse. Tum etiam, quia licet optimi illi, de Assessorum tamen non potest omnimodâ sapientiâ, expe-

Thesauri Indici Tom. I.

rientiâ, & integratitate, plena haberri certitudo.

93 Dico quartò. Proreges Indici grauiter peccant, si à suis sententijs recursum ad Regales Audientias per viam appellationis impeditunt. Constat ex Regiis rescriptis, quæ pro eo habentur, de quibus Dom. Solorzani Lib. 4. Cap. 3. num. 39. & seqq. & Cap. 10. num. 54. & seqq. qui n. 56, ait illos sic impedites malè facere, vt est compertum, cùm rescripta talia justam & lege statutâ conferant defensionem. Videntur item in Politicâ pag. 768. §. *De todo & pag. 881. §. De mas.* Et quidem percuntari eos juuat, quid sit, cur appellationis beneficium sic impide contentur? Si enim ex eo quod superiores se in iis, quæ ad eos spectant, haberi volunt, neque in eorum executione ab inferioribus hominibus dependere: est illud sanè ingenuitate virorum tantorum indignum. Rex, qui eos honore isto condecorat, sic jubet, & est hoc honoris talis appendix. A quo ergo honorem tantum accipiunt, & emolumenta pariter plura & eximia, cur ingrati honoris appendicem renuant, & Regiam voluntatem amplecti sibi reputent indecorum? Item, illius sententia ab unius litterati hominis, qui sibi plius ex Togatis non est, consultatione dependent: ergo dependentia indecent non est. Ex quo fit neque indecent futuram, si caussæ cōclusio à multis, & sapientiâ & dignitate præcellentioribus viris debeat expectari. Si autem timere se dicant, ne quod ab eis est dispositum, ab appellationis judicibus dirimatur: argumento id planè est rem non esse justitiae omnino conformem: quæ enim conformia sunt, quis dubitet à dictis judicibus confirmanda? Ad quod præter caussæ merita, eorum adigit reverentia. Quis enim gratis velit infensum habere Proregem? Deferant ergo appellationi: hoc enim est Regi ipsi deferre, sic jubent: & gloriosum ducent hoc esse quod sunt; minores inquam Principe, à cuius tantum sententiâ non est licitum appellare. In iis autem, circa quæ opiniones sunt, sequantur ipsi quod volent, vnde superuacuum est quid nobis videatur verosimilius in talibus propalare. Ergo ad alia.

C A P V T . XII.

Quomodo Proreges possint in iudicium ordinatariorum annuâ electione, & aliorum Officialium Capitulis ciuitatum indulta, peccare.

94 Dico primo, posse grauiter peccare: & vtiam re ipsa non peccent, quod grauissimæ multoties querelæ vindicantur indicare. Libera esse illa deber: vnde si libertas ostensione beneplaciti cum efficacitate propositi stare nequeat, fatis inde constat, quantum iustitia iura ex hac parte violentur. Vbi non obstat, si dicatur secreta esse suffragia, quæ in vrnam mittuntur (quæ & ante missione in manus Proregis quandoque veniunt, à quo & adstantibus propalantur) experientiâ enim constat, nihil huiusmodi manere secretum. Quid si eum reeligere faciat, qui jam annum admini-

Affertio 1.
posse pecca-
re grauiter
circa iudi-
cum an-
nuam elec-
tionem.

H 2 strationis